

ՀԱՄԱԳՈՐԾԱԿՑՈՒԹՅՈՒՆ

ԳԻՈՐԳԻ ԿՎԻՐԻԿԱՇՎԻԼԻ. «ՆՈՐ ՓԱԹԵԹՆ ՈՒՂԴԱԾ Է ՄԱՐԴԿԱՅԻՆ ԿԱՊԻՏԱԼԻ ԶԱՐԳԱՑՄԱՆ ՄԻՋՈՑՈՎ ՏՆՏԵՍԱԿԱՆ ԱՃԻ ԱՊԱՀՈՎՄԱՆԸ»

Հունիսի 8-ին Վրաստանի վարչապետ Գիորգի Կվիրիկաշվիլին մասնակցեց «Հազարամյակի մարտահրավեր» հիմնադրամի դիտորդական խորհրդի նիստին:



Ելույթ ունենալով այդ նիստում՝ վարչապետն իր երախտագիտությունը հայտնեց ԱՄՆ կառավարությանը Վրաստանին ցուցաբերած աջակցության համար: Նրա խոսքով, ԱՄՆ-ի բարյացակամ վերաբերմունքը կրկին իր հավաստումն ստացավ «Հազարամյակի մարտահրավեր» հիմնադրամի կողմից իրականացվող երկրորդ փաթեթի մարմնա-

վորման համար ԱՄՆ կառավարության կողմից հատկացված 140 միլիոն դոլար դրամաշնորհի հատկացմամբ: Գիորգի Կվիրիկաշվիլու գնահատմամբ, ԱՄՆ կառավարության աջակցությունը տրամափորձացիոն ազդեցություն է գործում Վրաստանի

(Շարունակությունը՝ 2-րդ էջում)

ՀԱՆՐԱԳՈՒՄԱՐՈՒՄ

ԱՃՈՒՄ Է ԲԻԶՆԵՍ-ՍԵԿՏՈՐԻ ՇՐՋԱՆԱՌՈՒԹՅՈՒՆԸ

Ինչպես հայտարարեց Վրաստանի փոխվարչապետ, Էկոնոմիկայի եւ կայուն զարգացման նախարար Դմիտրի Քունսիշվիլին, 2018 թվականի առաջին եռամսյակում, նախորդ տարվա համապատասխան ժամանակամիջոցի համեմատ, բիզնես-սեկտորի շրջանառությունն աճել է 18,6 տոկոսով եւ կազմել 18 միլիարդ լարի:

Փոխվարչապետի խոսքով, Վրաստանի Էկոնոմիկան եւ դրա կայունությունը հիմնված է մասնավոր հատվածի զարգացման վրա, որքանով արագ եւ արդյունավետ է առաջադիմում մասնավոր հատվածը:

- Վերոնշյալ առաջընթացում նշանակալից է այն, որ 20 տո-

կոսով ավելացել է փոքր եւ միջին արտադրությունների շրջանառությունը, ընդ որում՝ միջին արտադրությունների մոտ այդ ցուցանիշը կազմել է 20,5, իսկ փոքր ձեռնարկությունների մոտ վավերացվել է 19,6 տոկոս: Եվ



դա այն դեպքում, երբ խոշոր ար-

(Շարունակությունը՝ 3-րդ էջում)

ԵՎՐԱԽՆՏԵԳՐՈՒՄ

ՎՐԱՍՏԱՆԸ ՆԵՐԱՌՎԵԼ Է Good Human Rights Stories (GHR) ՆՈՐ ՆԱԽԱԶԵՌՆՈՒԹՅԱՆ ՄԵԶ



Մարդու իրավունքների հարցերով Եվրամիության հատուկ ներկայացուցիչ Ստավրոս Լամբրինիդիսի հայտարարությամբ, նախաձեռնու-

Վրաստանը, աշխարհի 15 երկրների հետ միասին, ընդգրկվել է Եվրամիության Good Human Rights Stories (GHR) նոր նախաձեռնության մեջ:

թյան շրջանակներում, մշակված ցուցակում ներգրավվել են մարդու իրավունքների ոլորտում օրինակելի եւ հաջողակ երկրները, որտեղ ձեւավորվել ու հաստատվել է մարդու իրավունքների լավ համակարգ: Վրաստանը տարածաշրջանում միակն է, որ հայտնվել է նշված ցուցակում:

Վրաստանի փոխվարչապետ, արտաքին գործերի նախարար Միխեիլ Ջանելիձեն, իր հերթին, ողջունեց մարդու իրավունքների հարցերով Եվրամիության հատուկ ներկայացուցչի այցը Վրաստան եւ հայտարարեց, որ

(Շարունակությունը՝ 3-րդ էջում)

ՀԱՅԱՍՏԱՆ

ԿԱՌԱՎԱՐՈՒԹՅԱՆ ԾՐԱԳԻՐԸ ՀԱՎԱՆՈՒԹՅԱՆ ԱՐԺԱՆԱՑԱՎ

Հունիսի 7-ին Հայաստանի Ազգային ժողովը, իր արտահերթ նիստում՝ 62 կողմ եւ 39 դեմ ձայներով, հավանություն տվեց երկրի կառավարության գործունեության ծրագրին:

Հայաստանի գործադիր իշխանության գործունեության ծրագիրը խորհրդարանականներին ներկայացրեց վարչապետ Նիկոլ Փաշինյանը: Ծրագիրը փորձագիտական շրջանակների կողմից անվանվում է անցումային եւ, որպես առաջնահերթություն, սահմանում մեկ տարվա ընթացքում արտահերթ խորհրդարանական ընտրությունների անցկացումը:



(Շարունակությունը՝ 7-րդ էջում)

ՀՐԲԵԼՅԱՆ

ՀԱՆԴԻՍԱՎՈՐՈՒԹՅԱՄԲ ՆՇՎԵՑ ՍԱԹԽԱՅԻ ՀԵՐՈՍԱՄԱՐԱՏԻ 100-ԱՄՅԱ ՀՐԲԵԼՅԱՆԸ

Հունիսի 1-ին Նիոնոմիդայի մունիցիպալիտետի Սաթխա գյուղում հանդիսավորությամբ նշվեց Սաթխայի հերոսամարտի 100-ամյակը: Այն կրում է ավանդական բնույթ եւ նշվում է 2003թ.-ից:

Հանդիսություններին մասնակցեցին Վրաստանի խորհրդարանի պատգամավորներ Զենգել Սկոյանը, Դավիթ Ճիճինաձեն, Սամվել Մամուկյանը, Նիոնոմիդայի եւ Ախալքալաքի մունիցիպալի-



միներին ներկայացուցիչներ:

Միջոցառմանը 100-ամյա վաղեմության պատմական իրադարձությունների մասին խոսեցին Վրաստանում Հայաստանի արտակարգ եւ լիտետների քաղաքապետեր Անի Մոսոյանն ու Յուրի Ունանյանը, սակրեբուլոների նախագահներ Գագիկ Կարսյանն ու Նաիրի Իրիցյանը, «Վրաստան» թերթի խմբագիր Վան Բայբուրյանը, տեղական գործադիր եւ օրենսդիր մար-

ազոր ղեսպան Ռուբեն Սադոյանը, Վիրահայոց թեմի առաջնորդ Վազգեն Եպիսկոպոս Միրզախանյանը, Սաթխայի հերոսամարտի հանդիսության հիմնադիրներ, սաթխացիներ Արտյուշա Սանոսյանը, Ալբերտ Իսոյանը, ուրիշներ:

ԴԱՏԱԿԱՆ

«ԽՈՐԱՎԱՅԻ ՓՈՂՈՅՈՒՄ ՏԵՂԻ ՈՒՆԵՅԱԾ ՈՂԲԵՐԳՈՒԹՅՈՒՆԸ ՄԵՋ ՀԱՄԱՐ ԿԱՐԵՎՈՐ ՄԱՐՏԱՀՐԱՎԵՐ Է»

Հունիսի 8-ին, Վրաստանի կառավարության հերթական նիստում, երկրի վարչապետ Գիորգի Կվիրիկաշվիլին հայտարարեց.

- Թբիլիսիի Խորավայի փողոցում տեղի ունեցած ողբերգությունը մեզ համար դարձել է կարեւոր մարտահրավեր, մեզ համար մարդն է կարեւոր արժեքը, մենք կորցրինք երկու երիտասարդի: Ցավովք, առաջին ատյանի դատարանի որոշումն առա-

ջացրել է շատ հարցեր, այդ թվում նաեւ մեզ մոտ:

Շատ կարեւոր է նշել այս արձագանքները, խորհրդարանը կայացրեց քննչական հանձնաժողով ստեղծելու որոշում, որը համաձայնեք, անմախաղեպ է:

Վարչապետն ընդգծեց, որ այդ որոշումն ընդունվել է նախքան Ռուսթավելու պողոտայում ցույցերի մեկնարկը:

(Խորագրի շարունակությունը՝ 4-րդ էջում)

ՀԱՄԱԳՈՐԾԱԿՑՈՒԹՅՈՒՆ

ԳԻՈՐԳԻ ԿՓԻՐԻԿԱՆՎԻԼԻ. «ՆՈՐ ՓԱԹԵԹՆ ՌԻՂՎԱԾ Է ՄԱՐԴԿԱՅԻՆ ԿԱՊԻՏԱԼԻ ԶԱՐԳԱՑՄԱՆ ՄԻՋՈՑՈՎ ՏՆՏԵՍԱԿԱՆ ԱՃԻ ԱՊԱՅՈՎՄԱՆԸ»

(Սկիզբը՝ 1-ին էջում)

վրա, իսկ նախատեսված երկրորդ փաթեթն ամենահաջողակներից մեկն է:

- Այդ փաթեթի իրականացման արդյունքում, սպառողական շուկային կողմնորոշված կրթության ռազմավարական քաղաքականությունը և մարդկային կապիտալի զարգացման միջոցով, կբարելավվի Վրաստանի 1,7 միլիոն քաղաքացիների կյանքը, ընդգծեց վարչապետը՝ հավելելով, որ հիմ-

նադրամի հետ արդեն բանակցություններ են տարվում ԱՄՆ կառավարության կողմից Վրաստանի համար երրորդ փաթեթի ֆինանսավորման հնարավորության հարցով:

Խոսելով նոր փաթեթի մասին՝ Վրաստանի վարչապետը նշեց, որ դրանում նախատեսվում է լրիվությամբ վերանորոգել ու նորացնել 91 դպրոց, նոր ծրագրեր իրականացնել արհեստագյական կրթության եւ ուսուցիչների վերապատրաստման ոլորտում:



ՕՐԵՆԱՐԱՎԱՆ

ՔԱՂԱՔԱՅԻՈՒԹՅԱՆ ԸՆՈՐԶՄԱՆ ՆԱԽԱԳԱՀԻ ԲԱՅԱՌԻԿ ԻՐԱՎԱՍՈՒԹՅՈՒՆԸ ՎԵՐԱՅՎՈՒՄ Է



Վրաստանի խորհրդարանի իրավաբանական կոմիտեի կողմից մշակված օրինականադրական նախատեսում է վերոնշյալ օրենքի համապատասխանեցում սահմանադրության նոր խմբագրության սկզբունքներին:

«Քաղաքացիության մասին» օրենքում ծրագրված փոփոխություններով, նախագահը զրկվում է քաղաքացիության հարցի քննարկման հետ կապված մի շարք թեմաների կարգավորման իրավասությունից: Փոփոխություններից մեկի համաձայն, բացառության կարգով, հարցի քննարկման ժամանակ, չհազարգե-

Վրաստանի նախագահը զրկվում է բացառության կարգով Վրաստանի քաղաքացիություն չնորհելու իրավունքից: Միաժամանակ, քաղաքացիության հետ կապված հարցերը քննարկող հանձնաժողովի իրավասություններն ընդլայնվում են: Այդ կապակցությամբ, «Քաղաքացիության մասին» օրենքում կատարվում են փոփոխություններ:

ված անձը նախագահին չի ներկայացնելու դիմում Վրաստանի քաղաքացիություն ստանալու խնդրանքով: Դիմումը պետք է ներկայացվի գործակալությանը, դիվանագիտական ներկայացուցչությանը կամ արտասահմանում հյուպատոսական հաստատությանը:

Բացի այդ, քաղաքացիության շնորհման, դադարեցման, քաղաքացիության կորստի, ինչպես նաեւ Վրաստանի պատվիր քաղաքացու կոչման շնորհման համար, նախագահի հրամանագրի հետ միասին, ներկայացվելու է քաղաքացիության հարցերով հանձնաժողովի համապատասխան որոշումը:

Փոփոխությունների համաձայն, փոխվում է նաեւ քաղաքացիության հարցերի քննարկման հանձնաժողովի համալր-

ման կարգը: Փոփոխության համաձայն, հանձնաժողովը կազմված կլինի վեց անդամից: Նրանց նշանակում է պետական սպասարկումների զարգացման գործակալության նախագահը: Օրինա-նախագծի համաձայն, հանձնաժողովի երկու անդամներին, այդ թվում՝ նաեւ հանձնաժողովի նախագահին, նշանակում է գործակալության աշխատակիցներից, երկու անդամներին՝ պետական անվտանգության ծառայությունից, եւս երկու անդամներին՝ նախագահի աշխատակազմի ծառայությունից, վերոնշյալ գերատեսչությունների հանձնարարականների համաձայն:

Ազգային անվտանգության խորհրդի ներկայացուցիչը հանձնաժողովի անդամ չի դառնում:

ՄԵՏՐՈՊՈԼԻՏԵՆ

ԵՌՕՐՅԱ ԳՈՐԾԱԴՊՈՒՆ ԱՎԱՐՏՎԵՑ ՓՈԽՀԱՄԱՁԱՅՆՈՒԹՅԱՄԲ

Թբիլիսիի մետրոպոլիտենի մեքենավարները, որոնք երեք օր գործադուլ էին անում աշխատավարձը բարձրացնելու պահանջով, հունիսի 6-ի կեսօրին դադարեցրին բողոքի ակցիան, որին մասնակցում էր շուրջ 500 մարդ, այդ թվում՝ եւ Վրաստանի մայրաքաղաքի գետնուղու 240 մեքենավարները:

- Համաձայնությունը ձեռք է բերված: Մետրոն աշխատանքը կվերսկսի ժամը 14:00-ին,- հունիսի 6-ին լրագրողներին հայտարարել է մետրոյի մեքենավարների «Էրթոբա 2013» անկախ արհմիության ղեկավար Ռատի Քափանաձեն գիշերը, քաղաքապետարանում կայացած հանդիպումից հետո: Նա նշեց, որ գործադուլի դադարեցման շուրջ պայմանավորվածությունը ձեռք է բերվել, բայց առայժմ հայտնի չէ՝ երբ եւ որքան կավելանա իրենց աշխատավարձը: Նա հավելեց, որ այդ հարցի շուրջ բանակցությունները կսկսվեն մոտ ժամանակներս:

Հիշեցնենք, որ հունիսի 4-ից Թբիլիսիի մետրոյի աշխատանքի դադարեցումը, որի ծառայություններից օրական օգտվում էր շուրջ 400 հազար ուղևոր, խիստ ծանրաբեռնել էր հասարակական տրանսպորտի մյուս տեսակները, որոնք Թբիլիսիում ներկայացված են միայն մունիցիպալ ավտոբուսներով ու երթուղայիններով:

Չնայած, որ քաղաքապետարանը գործի էր դրել ավ-

տոբուսների լրացուցիչ երթուղիներ, վերգետնյա գերբեռնված փոխադրամիջոցներն ու տաքսիների կտրուկ աճած սակագները հանգեցրել էին տրանսպորտային կոլապսի:

Ինչպես հայտարարեց Թբիլիսիի քաղաքապետ Կախա Կալաձեն, մինչ մեքենավարների ներկայացուցիչների հետ հանդիպումը, մանրամասն տեղեկատվություն է ստացել նրանց աշխատանքային պայմանների, վարձատրության, սոցիալական իրավիճակի մասին:

- Ես նրանց խոստացա, որ մայրաքաղաքի կառավարությունը ընկալունով կմոտենա նրանց հուզող հարցերի քննարկմանը, եւ առաջիկա վեց ամսվա ընթացքում այդ ուղղությամբ էական փոփոխություններ կիրականացվեն,- ընդգծեց Կախա Կալաձեն:



ՎՐԱՍՏԱՆ - ՌՈՒՍԱՍՏԱՆ

ՉՈՒՐԱՐ ԱԲԵՆԱՅԵ. «ԱԲԽԱՋԱԿԱՆ ԵՐԿԱԹՈՒՂՈՒ ՎԵՐԱԳՈՐԾԱՐԿՄԱՆ ՀԱՐՑԸ ՉԻ ՔՆՆԱՐԿՎԵԼ»

Ինչպես արդեն նշել ենք, Պրահայում կայացավ Վրաստանի վարչապետի՝ Ռուսաստանի հետ հարաբերությունների կարգավորման հարցերով հատուկ ներկայացուցիչ Ջուրաբ Աբաշիձեի եւ Ռուսաստանի փոխարտգործնախարար Գրիգոր Կարասինի 13-րդ հանդիպումը:

Հանդիպման ավարտից հետո, հանրագումարելով դրա արդյունքները, Ռուսաստանի փոխարտգործնախարար Գրիգորի Կարասինը նշեց.


- Մենք կարելի էր խնդիր ենք լուծել, կշարունակենք շարժվել առաջ: Մենք հետաքրքրված ենք նրանով, որ իրագործենք Ռուսաստանի ու Վրաստանի կառավարությունների միջեւ մաքսային վարչարարության եւ ապրանքների առևտրի մոնիթորինգի մասին 2011 թվականի համաձայնագիրը: Երկաթուղու հարցն ընդհանրապես չի դիտարկվել ո՛չ «Ռուսական երկաթուղիներ»-ի, ո՛չ դեսպանատան համատեքստում: Աբխազական երկաթուղու վերագոր-

ծարկման հարցով իր ռուս գործընկերոջ խոսքերն հաստատեց նաեւ Վրաստանի վարչապետի՝ Ռուսաստանի հետ հարաբերությունների կարգավորման հարցերով հատուկ ներկայացուցիչ Ջուրաբ Աբաշիձեն: Նրա խոսքով, Աբխազիայով եւ Ցխինվալիի տարածաշրջանով (Հարավային Օսեթիա) առևտրային միջանցքների բացման ուղղությամբ կոնկրետ ամսաթվերը դեռ չեն քննարկվել:

- Կոնկրետ ամսաթվեր դեռ չկան: Մենք այժմ անցնում ենք իրագործման փուլին: Այս ամբողջ ընթացքում մենք պատրաստվել ենք, եղել է նախապատրաստական ժամանակահատված, պատրաստել ենք

համապատասխան պայմանագրեր: Ընդհանուր առմամբ, դա ոչ սովորական նախագիծ է, նման նախադեպ փաստացիորեն չի եղել, այդ պատճառով դա երկար ժամանակ է պահանջել եւ մեզ մոտ, եւ Ռուսաստանում, բայց այժմ ռուսական կողմը ստորագրել է պայմանագիր, եւ կան նախանշաններ հաջորդ փուլին արդեն համաձայնագրի իրականացման անցնելու համար,- ասաց Ջուրաբ Աբաշիձեն ու հավելեց, որ այժմ գլխավոր հարցը բաղադրական կամքն է համաձայնագրի բարեխիղճ իրականացման համար:

Ավելացնենք, որ օրերս Ռուսաստանը շվեյցարական SGS ընկերության հետ ստորագրել է շվեյցարացի դիտորդների կողմից Աբխազիայով եւ Ցխինվալիի տարածաշրջանով (Հարավային Օսեթիա) բեռների տեղափոխումը մոնիթորինգի ենթարկելու մասին հատուկ պայմանագիրը: Իսկ



G7

«ՎԵՑ ԵՐԿՐՆԵՐԻ ՀԱՄԱՁԱՅՆԱԳԻՐ»՝ ԱՌԱՆՑ ԱՄՆ-Ի՞

Հունիսի 8-9-ը կանադական Քվեբեկում անցկացվելու է «Մեծ յոթնյակի» զագաթաժողովը: Գագաթաժողովին մասնակից վեց երկրի ղեկավարները մտադիր են ԱՄՆ-ի նախագահից բացատրություններ պահանջել ԱՄՆ ներկրվող առանձին ապրանքների վրա մաքսային տուրքի ավելացման վերաբերյալ ամերիկյան վարչակազմի միակողմանի գործողությունների հարցով: Հնարավոր բարդություններից խուսափելու նպատակով, ԱՄՆ նախագահ Դոնալդ Թրամփը կրճատել է Կանադայում «Մեծ յոթնյակի» զագաթաժողովում իր գտնվելու ժամանակը եւ համաժողովից կհեռանա ավելի շուտ, քան սպասվում էր: Թրամփին կներկայացնի G7-ի գծով նրա օգնական Էվերեթ Այսենսթաթը:

Մեկնաբանելով վերոնշյալը՝ Ֆրանսիայի նախագահ Էմանուել Մակրոնը հայտարարել է.

- ԱՄՆ նախագահը, հնարավոր է՝ դեռ չէ մեկուսանալու, բայց եւ մենք էլ դեռ չենք համաձայնագիրը վեց երկրներով ստորագրելու:

Նա հավելել է, որ Ֆրանսիան չի ստորագրի G7-ի Քվեբեկում կայանալիք զագաթաժողովի արդյունքների վերաբերյալ «Յոթնյակի» խմբի երկրների համատեղ հայտարարությունը, քանի դեռ չեն հաղթահարվել ԱՄՆ-ի հետ առկա տարածայնությունները:

Նրա տվյալներով, որպեսզի Ֆրանսիայի նախագահը պատրաստ լինի ստորագրել համատեղ հայտարարությունը, առաջընթաց է անհրաժեշտ այնպիսի համադրությունների շուրջ, ինչպիսիք են՝ իրանական միջուկային գործարքը, Եվրամիությունից, Կանադայից ու Մեքսիկայից պողպատե եւ ալյումինե արտադրանքի ներմուծման ԱՄՆ-ի կողմից սահմանված մաքսատուրքերը, ինչպես նաեւ կլիմայի վերաբերյալ Փարիզի համաձայնագիրը: Մակրոնի կարծիքով, G7-ի մյուս երկրները՝ Մեծ Բրիտանիան, Գերմանիան, Ճապոնիան, Իտալիան ու Կանադան, պետք է համատեղ հանդես գան մաքսատուրքերի սահմանման վերաբերյալ ԱՄՆ նախագահ Դոնալդ Թրամփի որոշման դեմ:

ԱՄՆ-ԿԺԴՀ

ԹՐԱՄՓԻ ԵՎ ԿԻՄ ՉԵՆ ԻՆԻ ՀԱՆԴԻՊՈՒՄԸ ԿԿԱՅԱՆԱ Զ ՌՈՒՆԻՍԻ 12-ԻՆ

Սպիտակ տունը հրապարակել է ԱՄՆ նախագահ Դոնալդ Թրամփի եւ ԿԺԴՀ-ի առաջնորդ Կիմ Չեն Ինի համդիպման ժամանակացույցն ու վայրը: «Թրամփը եւ Կիմ Չեն Ինը կհանդիպեն հունիսի 12-ին, Սինգապուրի Սենտոսա կղզու Capella հյուրանոցում»,- նշված է Սպիտակ տան հայտարարության մեջ:



Վրաստանը նմանատիպ պայմանագիր է կնքել նույն ընկերության հետ դեռ դեկտեմբերին: Այդ համաձայնագիրը նախատեսում է Ռուսաստանից Աբխազիայով եւ Ցխինվալիի տարածաշրջանով (Հարավային Օսեթիա) Վրաստան եւ Հայաստան «առևտրային միջանցքների» ստեղծում:

ՄԻՍՈՆ ԿԻՆԱՅԵ

Շաբաթից շաբաթ. Փաստեր եւ իրադարձություններ

ՀԱՂՈՐԳՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՅՆԵՐԸ

ՀԱՆՐԱԳՈՒՄԱՐՈՒՄ

ԱՃՈՒՄ Ե ԲԻՋՆԵՍ-ՍԵԿՏՈՐԻ ՇՐՋԱՆԱՌՈՒԹՅՈՒՆԸ

(Սկիզբը՝ 1-ին էջում)

տադրությունների շրջանառության աճը կազմել է 17,1 տոկոս,- հայտարարեց նախարարը եւ հավելեց, որ բավականին հուսադրող ցուցանիշներ են վավերացվել միջին եւ փոքր արտադրությունների քվաքանակության ավելացման գործում: Մասնավորապես, ըստ Քունսիշվի-

լու, միջին ձեռնարկությունների թիվն ավելացել է 17,7, փոքրերինը՝ 16,5, իսկ խոշոր արտադրությունների թիվը՝ 14,6 տոկոսով: Դմիտրի Քունսիշվիլու հավաստմամբ, դա ազդեցություն է գործել նաեւ զբաղվածության հարցի կարգավորման վրա, եւ 2018 թվականի առաջին եռամսյակում աշխատատեղերի թիվն ավելացել է 5,3 տոկոսով:

Դմիտրի Քունսիշվիլին, անդրադառնալով զբոսաշրջության ոլորտի զարգացման թեմային, նշեց, որ 2018 թվականի հունվար-ապրիլ ամիսներին այդ ոլորտից երկիրը ստացել է 799 միլիոն դոլարի եկամուտ, ինչը 177 միլիոն դոլարով (28,4 տոկոսով) գերազանցում է նախորդ տարվա համապատասխան ժամանակամիջոցի ցուցանիշը:

ՎՐԱՍՏԱՆ-ՆԱՏՕ

ՄԱՍՆԱԿՑՈՒԹՅՈՒՆ՝ ԱԼՅԱՆՍԻ ՄԻՆԻՍՏԵՐԻԱԼԻՆ



Վրաստանի պաշտպանության նախարարության պատվիրակությունը, պաշտպանության նախարար Լեւան Իզորիայի գլխավորությամբ, գտնվում է Բելգիայի թագավորությունում:

Կեր երկրների պաշտպանության նախարարների հանդիպմանը, որը բացեց դաշինքի գլխավոր քարտուղար Են Բոտտեմեյերը:

Հանդիպմանը Լեւան Իզորիան խոսքով հանդես եկավ Աֆղանստանում ընթացող միջազգային առաքելությանը մաս-

նակցող երկրների պաշտպանության նախարարների առջեւ:

ՆԱՏՕ-ի նոր շտաբ կայանում ընթացող միմիստերիալի շրջանակներում, Վրաստանի պաշտպանության նախարարն անցկացրեց երկկողմ հանդիպումներ, խորվաթ եւ հունգար գործընկերների հետ: Ծրագրվում է փոխհամագործակցության հուշագրի կնքում

խորվաթիայի պաշտպանության նախարարության հետ:

Բրյուսելում ընթացում է ՆԱՏՕ-ի պաշտպանության միմիստերիալը: Հյուսիսատլանտյան դաշինքի անդամները քննարկում են հուլիսին կայանալիք զգաթափողովի հարցերը, այդ թվում ՆԱՏՕ-ի ուժերի պատրաստակամության մեծացումը:

ԵՎՐԱՆՏԵԳՐՈՒՄ

ՎՐԱՍՏԱՆԸ ՆԵՐԱՌՎԵԼ Ե Good Human Rights Stories (GHRIS) ՆՈՐ ՆԱԽԱԶԵՌՆՈՒԹՅԱՆ ՄԵԶ

(Սկիզբը՝ 1-ին էջում)

Վրաստանի համար մեծ պատիվ եւ հնարավորություն է ներգրավվել նշված նախաձեռնությանը:

Նրա խոսքով, շարունակվում է եվրամիության հետ աշխատանքն այն հարցով, որը կապված է երկրում Վրաստանի ժողովրդավարական զարգաց-

ման, ինստիտուտների իզորացման եւ լավագույն եվրոպական փորձի եւ չափանիշի հաստատման հետ:

- Հենց այս համագործակցության արդյունքն է այն ցանկությունը, որը իդացել է, բազմաթիվ ձեռնապետերում շարունակելը կոնկրետ մարդու իրավունքների պաշտպանության տեսանկյունից համագործակցությունը,- հայտարարեց Վրաս-

տանի արտաքին գործերի նախարարը:

Good Human Rights Stories (GHRIS) նախաձեռնությունը 2018 թվականին, «Մարդու իրավունքների համընդհանուր իռչակագրի» ընդունման 70-ամյա հոբելյանի շրջանակներում, ներկայացրել է մարդու իրավունքների հարցերով եվրամիության հատուկ ներկայացուցիչ Ստավրոս Լամբրինիդիսը:

ՄԻՋԳԵՐԱՏԵՍՉԱԿԱՆ

«ՓՈԽՀԱՄԱԳՈՐԾԱԿՑՈՒԹՅԱՆ ՀՈՒՇՆԱԳԻՐ»՝ «112»-Ի ԵՎ ԿՐԹՈՒԹՅԱՆ ՆԱԽԱՐԱՐՈՒԹՅԱՆ ՄԻՋԵՎ

Ներքին գործերի նախարարության շտապ օգնության օպերատիվ կառավարման «112» կենտրոնի եւ կրթության ու գիտության նախարարության «Կրթության կառավարման լրատվական համակարգի EMIS» միջեւ, ձեւակերպվել է փոխհամագործակցության հուշագիր:


Փաստաթղթի համաձայն, «112»-ի օպերատորին հնարավորություն է տրվում հրատապ դեպքերի ժամանակ դպրոցների կառավարման լրատվական eSchool համակարգի միջոցով, տուժած երեխայի անունով, ազգանունով եւ դպրոցի տվյալներով, օպերատիվ կերպով հաստատել նրա բնակելի հասցեն եւ ծնողների տվյալները:

Նշված նորույթը առանձնապես կարեւոր է այն դեպքերի ժամանակ, երբ աշակերտը ճգրիտ չգիտի իր հասցեն, սակայն գիտի իր դպրոցի անվանումն ու համարը:

Լրատվության փոխանակումը տեղի է ունենալու փակ ցանցի միջոցով, որը նշանակում է, որ տվյալները պաշտպանված են լինելու, եւ դրանց վրա հասանելիություն կունենան միայն

«112»-ի օպերատորները:

Ն ե Ր Ք Ի Ն գործերի նախարարության շտապ օգնության օպերատիվ կառավարման կենտրոնի եւ կրթության կառավարման լրատվական համակարգի միջեւ հուշագրի ձեւակերպումը աջակցելու է հրատապ դեպքերի ժամանակ օպերատիվ արձագանքին, երբ տուժած երեխա է, եւ վայրկյաններն ունեն մեծ նշանակություն:



«ԵՎՐԱՆՏՈՐՅՈՒՆԱՆԻ ՍՈՐԵԼԱՎՈՐՈՒՄ 2018» ԺՈՂՈՎԸ ԹԲԻԼԻՍԻՈՒՄ

Թբիլիսիում ը նթա-նում է Եվրոպայի առաջին միջազգային երի-



տասարդական «Եվրախորհրդարանի մոդելավորում 2018» ժողովը:

Միջոցառմանը մասնակցելու համար Վրաստան են ժամանել շուրջ 10 երկրի ներկայացուցիչներ:

Եռօրյա միջոցառման շրջանակներում, նախատեսված է ինչպես կոմիտետային քննարկում, այնպես էլ՝ իռչակագրի ընդունում եւ աշխատանքային գործընթացի իմիտացիա:


Նախագծի շրջանակներում, հայտնի կդառնա ինչպես լավագույն պատվիրակը, այնպես էլ՝ կոմիտետային լավագույն կազմը: Հաղթողներին կփոխանցվեն թանկահին նվերներ:

Միջոցառմանը ներկա են խորհրդարանի, նախարարների կաբինետի եւ դիվանագիտական կորպուսի ներկայացուցիչներ:

ՏԱՐԵԿԱՆ 58,5 ՄԻԼԻՈՆ ԼԱՐԻԻ ՏՈՒՎԱՆՔ՝ ՃԱՆԱՂԱՐՅԱՅԻՆ ԵՐԹԵՎԵԿՈՒԹՅԱՆ ԿԱՆՈՆՆԵՐԻ ԽԱՆՏՄԱՆ ՀԱՄԱՐ

Վրաստանի պետադրոշմի ծառայությունն սկսել է ուսումնասիրել ճանապարհային երթեւեկության խախտման հարցով ՆԳ նախարարության արձագանքման արդյունավետությունը: Աուդիտի եզրակացության մեջ նշված է, որ գերատեսչությունը ամհամապատասխան է բացահայտում ճանապարհներին արագության գերազանցման փաստերը, քանի որ ռադարների թիվն անբավարար է, իսկ տեղակայված ռադարների թվում շատ են անսարքին ռադարները: Հիմնախնդիրներ էին բացահայտվել նաեւ տեսադիտարկման համակարգում:

Գերատեսչության տեղեկատվությամբ, 2011-2016 թթ. երկրում ավտոտրանսպորտների թիվն ավելացել է 37, իսկ ճանապարհատրանսպորտային պատահարների թիվը՝ 35 տոկոսով: 2015-2017 թվականներին ճանապարհային երթեւեկության կանոնների խախտման համար, տարեկան վավերացվել է 1,2 միլիոն խախտում, որի համար սահմանվել է ընդհանուր առմամբ 58,5 միլիոն լարիի տուգանք: Ընդ որում, տուգանքների վճարման ցուցանիշը 80,5-ից նվազել է մինչեւ 69,4 տոկոս:



ԵԿԱՄՈՒՏՆԵՐԻ ԾԱՌԱՅՈՒԹՅՈՒՆ

ՈՒՍԱՆՈՂՆԵՐԻ ՀԱՆՐԱԿՐԹԱԿԱՆ ՆԱԽԱԳԻԾԸ ՇԱՐՈՒՆԱԿՎՈՒՄ Ե

Վրաստանի ֆինանսների նախարարության եկամուտների ծառայության հանրակրթական «Մենք վճարում ենք հարկերը եւ հիմնում անվտանգ ապագա» նախագիծն ընդլայնում է մասշտաբները: Այս անգամ դրան միացան էքսթինե Թադաիշվիլու անվան ուսումնական համալսարանի ուսանողները:

Հունիսի 4-ին ուսանողները եղան «Կարմիր կամուրջ» սահմանային անցակետում, ձեւակերպման եւ տնտեսական «Թբիլիսի» գոտում ու Ռուսթավիի սերվիս-կենտրոնում, ծանոթացան մաքսային ընթացակարգերին, հարկատուների սպասարկման մեթոդներին ու մաքսային ծառայությունների կողմից թմրանյութերի հայտնաբերման միջոցառումներին:

Եկամուտների ծառայության աշխատակիցները ուսանողներին՝ որպես ապագա հարկատուներ, ներկայաց-

րին հարկային եւ մաքսային համակարգերի գործառնությունն ու նշանակությունը:

Վրաստանի ֆինանսների նախարարության եկամուտների ծառայությունը վերոնշյալ հանրակրթական ծրագիրն իրականացնում է ամեն տարի: Այս տարի այն մեկնարկել է ապրիլի 12-ին, եւ դրանում երկրի մասշտաբով ընդգրկվել է շուրջ 30 բուհ:

ՎՐԱՍՏԱՆԻ ՖԻՆԱՆՍՆԵՐԻ ՆԱԽԱՐԱՐՈՒԹՅԱՆ ԵԿԱՄՈՒՏՆԵՐԻ ԾԱՌԱՅՈՒԹՅՈՒՆ



ԴԱՏԱԿԱՆ

ԽՈՐՀՐԴԱՐԱՆԻ ՀԵՏԱՔՆԵԶԱԿԱՆ ՀԱՆՁՆԱԺՈՂՈՎՆ ՍԿՍԵՅ ԱՇԽԱՏԱՆՔԸ

Հունիսի 6-ին Վրաստանի խորհրդարանը՝ քվեների մեծամասնությամբ, հաստատեց անցյալ տարվա դեկտեմբերին թբիլիսիի Խորավայի փողոցում տեղի ունեցած սպանության գործով ժամանակավոր հետաքննչական հանձնաժողովի կազմը:



Հանձնաժողովի 17 անդամներից 9-ը ներկայացնում են խորհրդարանական ընդդիմադիր «Եվրոպական Վրաստան» կուսակցությունը, 6-ը խորհրդարանական մեծամասնության «Վրացական երազանք» անդամներ են:

Եվրոպական Վրաստանի ներկայացուցիչ, խորհրդարանական Սերգի Կապանաձեի գլխավորած հանձնաժողովի կազմում ընդգրկվել են Արչիլ Թալաբաձեն, Էկա Բեսելիան, Մամուկա Մոխիմաձեն, Անրի Օխանաշվիլին, Դմիտրի Ցքիտիշվիլին, Սոփո Կիլանձեն («Վրացական երազանք»), Օթար Կախիձեն, Էլեն Խոշտարիան, Օթար Աբեսաձեն, Սերգո Ռատիանին, Խաթունա Գոգորիշվիլին,

Մամուկա Չիքուլանին, Գիգա Բոկերիան, Իրմա Նադիրաշվիլին («Եվրոպական Վրաստան»), Ադա Մարշանիան («Հայրենասերների ալյանս») եւ անկախ պատգամավոր Սալոմե Ջուրաբիշվիլին:

Հունիսի 7-ին հանձնաժողովի նախագահ Սերգո Ռատիանին հանդիպում ունեցավ Խորավայի փողոցում սպանված Դավիթ Սարալիձեի հոր՝ Ջազա Սարալիձեի հետ:

Հունիսի 8-ին, խորհրդարանի հետաքննչական ժամանակավոր հանձնաժողովի անդամիկ Նիստում, որը կոչված էր հստակեցնել հանձնաժողովի գործունեությունը, այն անձանց ցուցակը, ովքեր գործի առնչությամբ հրավիրվելու են հանձնաժողովի նիստերին, «Հայրենասերների ալյանսի» ներկայացուցիչ Ադա Մարշանիան պահանջեց նման հանձնաժողովների ստեղծել մաքուր մյուս, ոչ պակաս աղմկահարույց գործերով, հակառակ դեպքում հայտարարեց, որ ինքը դուրս կգա հանձնաժողովի կազմից, եւ իր ներկայացրած կուսակցությունը պատասխանատվություն չի վերցնի հանձնաժողովի կողմից ընդունվող որոշումների հարցում:

ԱՆՉԱՓԱՀԱՍՆԵՐԻ ՄՊԱՆՈՒԹՅԱՆ ԳՈՐԾՈՎ ՀԵՏԱՔՆԵՆՈՒԹՅՈՒՆԸ ՓՈԽԱՆՅՎԵԼ Է ՆԳ ՆԱԽԱՐԱՐՈՒԹՅԱՆԸ

Ինչպես հաղորդել էինք թերթի մայիսի համարում, դատախազության կողմից դեկտեմբերի 1-ին թբիլիսիի Խորավայի փողոցում տեղի ունեցած միջադեպի հետաքննությունը, որի ժամանակ զոհվել էր երկու անչափահաս՝ Դավիթ Սարալիձեն ու Լեւան Դադունաշվիլին, յուրատեսակ փակուղի մտցրեց գործի դատական քննության մեջ, ինչն իր արտահայտությունը գտավ դատավոր Էկա Արեշիձեի կողմից հայտարարած դատավճռում, ըստ որի, սպանության մեջ մեղադրվող չորս կասկածյալներից երկուսը անմեղ ճանաչվեցին, իսկ մյուս երկուսին ներկայացված մեղադրանքը վերադարձվեց, եւ վերջին հաշվով նրանք դատապարտվեցին 10,5 ու 9 տարի 9 ամսվա ազատազրկման:



Ինչպես նշել էինք, դատարանի նման որոշումը բուռն բողոք առաջացրեց վրաց հասարակայնությունում, ինչը հանգեցրեց Վրաստանի գլխավոր դատախազ Իրակլի Շոթաձեի պաշտոնաթողությանը: Բողոքի ակցիան անցկացվեց «Մի սպանիր ինձ» կարգախոսի ներքո:

Գործի հետաքննությունը փոխանցվել է Վրաստանի ներքին գործերի նախարարությանը: ՆԳ նախարարության Կենտրոնական քրեական ոստիկանության վարչության պետ Վլադիմիր Բորցվաձեն նշեց.

- Կան մարդիկ, ովքեր փորձում էին խեղաթուրել երկու 16-ամյա պատանիների՝ Լեւան Դադունաշվիլու եւ Դավիթ Սարալիձեի սպանության փաստերը, ինչպես նաեւ ազդել այդ ռեզոնանսային գործով դատարանի արդյունքների վրա:

Նա հավելեց, որ նախարարությունը երկրորդ հետաքննությունն է անցկացնում Խորավայ փողոցի վրա տեղի ունեցած սպանության վերաբերյալ, վարչապետ Գիորգի Կվիրիկաշվիլու համապատասխան որոշման հիման վրա:

Հիշեցնենք, որ 2017թ. դեկտեմբերի 1-ին թբիլիսիի Մելիքիշվիլի փողոցում գտնվող թիվ 51 դպրոցում 9-րդ եւ 11-րդ դասարանների աշակերտների միջեւ տեղի են ունեցել տարածայնություններ: Հետագայում վեճը վերածվել է Խորավայի փողոցում զանգվածային ծեծկռտուքի: Հակամարտությունում ներգրավված էին այլ դպրոցներից պատանիներ, որոնք եկել էին 9-րդ դասարանից մեկին օգնության: Դեպքի ընթացքում ստացված բազում ծակող վնասվածքներից մահացել են երկուսը՝ Դավիթ Սարալիձեն եւ Լեւան Դադունաշվիլին:

Սպանության մեղադրանքով ձերբակալվել է երկու պատանի: Մնացած երեքը ձերբակալվել են սպանության փաստերը թաքցնելու համար:

ՆՈՐՈՒՅՑ



ՄԱԳԹԻ ԱՌԱՋԱՐԿՈՒԹՅՈՒՆԸ ՏԱՐԱԾԱԵՐՋԱՆՆԵՐՈՒ

ՀԱՄԱՑԱՆՑ, ՀԵՌՈՒՍԱՏԵՍՈՒԹՅՈՒՆ ԵՎ
ԱՌԱՆՑ ԼԻՄԻՏԻ ՆՈՍԱԿՑՈՒԹՅՈՒՆ ԲՋՋԱՅԻՆՈՎ,
ԱՄՍԱԿԱՆ՝ 29 ԼԱՐԻՈՎ



Օպտիկական – մանրաթելային համացանց
20 մգ/վրկ փաթեթ



IP հեռուստատեսություն
Վերափաթեթավորման գործառույթով – 98 ալիք



Բջջային հեռախոս
Սերվիս «Մեքենա», առանց լիմիտի
խոսակցություն Մագթիկումի բջջային
ցանցով՝ րնտանիքի 4 անդամների միջև



Նվեր

- WiFi սարք տանը՝ համացանցի ազդանշանի տարածման համար
- Հեռուստատեսության 1 լրացուցիչ փաթեթ

ԱԿՑԻԱ

Ավելացրեք ընդամենը 3 լարի եւ ստացեք ավելի
Համացանցի արագությունը + 10 մբ/վրկ (30 մբ/վրկ)
IPTV-ի + 1 լրացուցիչ փաթեթը՝ նվեր

Ծրագրերի մուտքագրումը՝ անվճար


Առաջարկությունը ուժի մեջ է միացումից հետո 2 տարվա ընթացքում



Կոտլեր՝ 11 00 11 – բջջային ցանցով,
032 217 00 00 – ցանկացած ցանցով

www.magticom.ge

Մագթիկումի ցանցով՝ նախախտադրված անվճար է:



ՇՆՈՐՀԱՆԴԵՍ

ՄԱՍՆԱԿՑՈՒԹՅՈՒՆ՝ ԵՎՐՈՊԱՅԻ ԽՈՐՀՐԴԻ ՆՈՐ ՆԱԽԱԳԾԻ ԲԱՑՄԱՆԸ

Հունիսի 4-ին Վրաստանի արդարադատության նախարարի առաջին տեղակալ Ալեքսանդրե Բարամիձեն մասնակցեց Եվրոպայի խորհրդի նոր նախագծի շնորհանդեսին: Նախագծի նպատակն է խստացնել պայքարը խտրականության ատելության շարժառիթով իրավախախտման եւ ատելության լեզվի կիրարկման դեմ: Քառամյա նախագիծը Եվրոպայի խորհուրդն իրականացնում է Դանիայի հարեւանությամբ ծրագրի (DANEP) հետ համատեղ:

Նախագծի բացման արարողությանը Ալեքսանդրե Բարամիձեն ներկայացրեց նախարարության կողմից իրականացված բարեփոխումները, խոսեց կնոջ եւ ընտանեկան բռնության դեմ պայքարի, գեղեցիկ իրավա-հավասարության ուղղությամբ իրականացված բարեփոխումների, դատական համակարգի բարեփոխումների ու հակախտրականության օրենսդրության մասին: Նրա խոսքով, այդ ուղղությամբ վրացական օրենսդրությունը նշանակալի փոփոխություններ է կրել:

Ալեքսանդրե Բարամիձեն խոսեց նաեւ միջգերատեսչական հանձնաժողովի գործունեության մասին: Անցյալ տարի ձեւավորված հանձնաժողովն աշխատում է գեղեցիկ իրավախախտության, կնոջ եւ ընտանեկան բռնության հարցերի շուրջ եւ մոնիտորինգ իրականացնում ազգային մակարդակով Ստամբուլի կոնվենցիայի պահանջների ու չափորոշիչների իրականացման գործում:

Արդարադատության նախարարի առաջին տեղակալն անդրադարձ կատարեց նաեւ քրեական օրենսգրքի բարեփոխումներին: Նրա խոսքով, օրենս խորհրդատվություններ են անցկացվել կառավարական գերատեսչությունների ոչ կառավարական կազմակերպությունների ու միջազգային առաքելությունների միջեւ, որտեղ քննարկել են քրեական օրենսգրքում կատարելիք փոփոխությունների հարցը: Այդ փոփոխությունների նպատակը օրենսդրության համապատասխանեցումն է քրեական ազատականացման քաղաքականությանը եւ մարդու իրավունքների միջազգային չափորոշիչներին:

Ալեքսանդրե Բարամիձեն խոսեց նաեւ հակախտրականության օրենքի մասին, որի պահանջները, նրա հավաստմամբ, հավասարապես առնչվում են ինչպես հան-



րային հաստատություններին, այնպես էլ՝ մասնավոր կազմակերպությունների ու ֆիզիկական անձանց, իսկ անհրաժեշտության դեպքում փաստերի վերահսկողությունն իրականացնում է ժողովրդական պաշտպանի աշխատակազմը:

Անդրադառնալով նոր նախագծի հարցին Ալեքսանդրե Բարամիձեն հայտարարեց.

- Կարծում եմ, որ Եվրոպայի խորհրդի եւ Դանիայի կառավարության կողմից աջակցության արժանացած քառամյա նախագիծը նշանակալիորեն կօգնի երկրի կառավարությանը, լայնամասշտաբ ու արդյունքին կողմնորոշված նախականիչ արշավի իրականացման գործում:

Նշենք, որ Եվրոպայի խորհրդի «խտրականության դեմ պայքարը, ատելության վրա հիմնված իրավախախտումը եւ ատելության լեզուն Վրաստանում» նախագծի նպատակը, իրավապահ մարմինների ու քաղաքացիական հասարակության ընկալման մակարդակի բարձրացումն է, ազգային օրենսդրության համապատասխանեցումը միջազգային օրենսդրությանը:

Վերոնշյալ նախագծի շնորհանդեսին ներկա էին Վրաստանում Եվրոպայի խորհրդի ներկայացուցչության ղեկավարը, Վրաստանի գործադիր եւ օրենսդիր իշխանությունների ներկայացուցիչներ, ժողովրդական պաշտպանը:

ՇՈՐԵՆԱ ԳԻԳԻՆԵՐՇՎԻԼԻ